

靳兩城先生集

匏



靳兩城先生集卷之十

東魯靳學顏著

七言律詩

坐來風亭



獨上風亭敞書扉暫留星節振霞衣雲開嵩野  
千峰出天入衡陽一鴈飛青蓋尚于霜後合紫  
鸞不向月中歸臨風欲發緱山興却憶吹笙舊  
侶稀

謁世祖祠

方城南接楚雲長大野晴開漢主堂當日赤符  
膺王氣從教白水發龍祥神銘苔蘚迷科蚪御  
帳蛛絲鎖鳳凰惟有階茅羞澗藻更無瑤笋瀉  
蘭漿

曉發裕州趨舞陽

魚鑰關門啟曙曛雉樓鉦鼓振秋雲霜潭波靜  
流鴻響風岸莎稀疏馬群紫阜旌旂仍北轉華  
泉驛路向東分近報河湟滿烽火猶能簿領困  
終軍

千秋節

五更鼓角星河曉華祝嵩呼萬國均蓋轉緗荷  
分御氣扇移朱雀憶仙宸臺報五雲占紀鳳蕙  
開六葉識生麟他日華簪瞻禹嗣願將金鑑荅  
堯仁

中春琉璃局諸公泛觴有作

離宮竹樹簇春臺上客青郊結駟來黃鳥尚依  
歌調緩素波真按舞容迴雲連泰時河山麗水  
浸龍陂杜若開出郭已拚乘月邁臨流無筭幾

浮杯

九日龍岡奉同王大夫僚長

荒臺九日倍淒涼  
駟馬雙旌度石梁  
豐嶽鍾聲初應節  
洞庭木葉盡飛霜  
予家魯水空凝望  
君指秦川是故鄉  
綺閣斜陽正愁絕  
不知黃菊為誰黃

至前二日雪中過謁

復齋殿下即席賦

已聞韶律應緹灰  
誰散寒花下綺臺  
飄榭正宜添竹響  
臨叢還欲傍梅開  
朱門高唱全勝楚  
綵筆當筵却媿枚  
不用重歌黃竹曲  
惟須長進紫瑤杯

謝饋梅花

君王池館暗春來  
氣候先教素蕊催  
爛熳雪宮晴不濕  
參差月觀晝還開  
折將織手香生袖  
傳向瑤盤色映杯  
故國故人應未見  
憑誰寄取一枝回

冬至有懷 闕下

宮箭沉沉催曉寒  
牙璋玉佩集仙官  
薰天庭燎

新刊城先生集卷十  
千門迴動地山呼萬國歡此日朝儀同建禮孤  
臣楚表憶長安雲霞漠漠楓宸遠羽葆金支何  
處看

雪中過維摩寺

寶地樓臺對雪披花宮鍾磬落天涯旃檀翻浪  
銀為海祇樹排空玉作枝世外徒懷支遁興此  
中願結遠公期白毫金色虛無裏猶是當時問  
病時

在泌陽適鄉人持舍弟書至感賦二首

聞道劉蕡下第回曲江紅杏為誰開由然荆玉  
須三獻不是鉛刀只一裁白鳳虛傳揚子賦黃  
金不上郭生臺君王羅網雖踈濶世上麀凰肯  
自埋

其二

揚花如雪點征衣昨夜猶聞喚梯歸桐栢山中  
蘭葉老漢王臺下藥苗肥三江鴻雁歸應盡千  
里音書寄漸稀莫恨風塵淹鬢髮且從雲樹辯  
鄉畿

送虹川先生之楚

清淮渺渺抱寒流十月旌旄下楚州  
七澤風雲占王氣九章詞賦憶靈脩  
豸冠夢入星辰地孔雀蓋春經杜若洲  
已有瑤華酬白雪郢中歌客未須愁

劉通判謝事北歸

梁園楚水兩飄蓬回首紅塵俱夢中  
千里月明孤鶴去九河風靜片帆東  
鄉心正好隨陽鳥世事應須付塞翁  
我亦天涯仍折柳離亭尊酒幾

人同

贈沈潤卿

吳門今見沈休文藥植江臯六畝芬  
金匱一篇調鼎七瑤函萬卷列丘墳  
虎頭能事非癡絕鶴骨仙人崧出群  
大隱由然在朝市它年還訪稷丘君

和荅栢山西北有高樓之作

青龍江外緒風遒海色蒼蒼近素秋  
千里暮潮隨月上五湖寒華帶霜流  
經時鴻雁衝人去盡

日丹楓對客愁玉露金莖知何所空吟西北有  
高樓

泖塔寺

澤國微茫接尾閭浮圖隱隱逼瑤樞鮫人聽法  
輸水穀龍女乘潮獻夜珠太乙雙丸分旦夕昆  
明萬劫總虛無自憐身對琉璃境欲問曇摩汎  
海途

森玉亭慨往

萬玉森森似昔時主人何處客彈棋春歸杜宇

迷青靄月落莎雞怨露枝錦籜尚含新染淚琅  
玕猶刻舊題詩重簾不捲愁如海應有當年燕  
子知

送月川王兵憲北上

都亭吹角駐寒颿尊酒相邀送所知身詣公車  
還待吹手持天憲欲何施鄉情先達誰推轂世  
路多岐自撰箸三晉繭絲抽既盡知君敷奏好

陳詩

九日太原東城同衛原介川有作

烟霞渺渺出樓臺俯檻山河在舉杯鄉信好憑  
鴻鴈去離情共奈菊花開禁城寒色千門入絕  
塞窮陰四望回身寄閒曹慙鳳侶為憐接翼此  
趨陪

壽菊山子

菊山愛菊欲忘形坐對蕭然養性靈躬汲寒漿  
澆夏圃手栽仙品待秋馨亦知金谷姿偏艷無  
那徵君眼獨青見說餐英調沆瀣夜潭常照老  
人星

過少湖讀書處

小苑經春鎖綠苔纖蘿豐草自縈迴論文都忘  
無羶坐看竹從教有客來雲護琅函三秀館香  
飄芸葉五經臺夜深還望奎婁分賦氣熒熒著  
上台

道涯

將軍習隱卧林阿小結精廬繞泗河風檻盡圍  
中尉柳月堂宜放祭公歌凌波拾翠春衫薄淬  
劍衝星俠氣和關塞况今烽火寂不妨緩帶醉

顏酖

賦得離亭柳送舍弟之潁州

離亭楊柳弄新姿又送征人過水湄  
燕蹴飛花春爛熳魚吹清影日參差  
因風莫學盈盈舞綰霧猶分裊裊絲  
攀斷長條難忍發河梁重賦渭城詩

在汶上遲舍弟不至悵然北發

與君相見本相期君未歸來我別離  
潁水驂驪霜外急汶陽尺素鴈邊遲  
君歸且慰斑衣樂我

別重教白髮悲應

闕趨庭共南北何由假望

日追隨

陳園再賦

為惜芳華不自禁遙持尊酒借青林  
詎云城肆無丘壑却有軒臺散珮簪  
清溜瀉塘全按節鮮雲觸石盡成陰  
不辭沾濕還移席直向蒼龍坐夜深

慈恩寺

每乘休沐輒窺臨住世人同出世心  
曾向空緣

留短偈又驅塵鞅到中林華輪寶霧歌前駐桂  
苑靈花象外深城闕信知違幾許逶迤谷口復  
春陰

次文谷

香臺寂寂世緣微芝蓋春過乍啟扉客以陶嘉  
投跡遠僧因習靜出林稀風含羣籟琳琅應雨  
溢迴塘鴈鷺飛亦向雙松知歎道可能初地遂  
初衣

送徐推官

聖帝臨軒思直臣南州徐穉美無倫徵書夜度  
天津雨使節晴麾驛路塵舊國甘棠應蔽芾中  
興諫草合嶙峋為言大隱金門客何似清時補  
衮人

初度日極憶老親示需兒

吾親此際念吾辰愁絕休將壽酒陳兒女羅階  
聊命拜弟兄千里各傷神應無竹帛酬明主  
欲為雲林乞此身花甲明年盈四十無聞知己  
媿先民

十七日夜邸第對月疊前韻

禁林容與麗華舒，脩竹團團灑氣清。  
勝侶共諧移夕願，清光猶似未虧初。  
幽蘭入奏風調軫，盛藻逢君月吐珠。  
欲遣金波添桂醕，恐教銀鑰候桐除。

答舍弟見寄聞其在郡選兵有方畧

吾弟專符為理日，兩年輿誦已稱賢。  
垂簾唯讀金函錄，揮麈時參白社禪。  
千室曉烟春澹澹，一湖秋水月娟娟。  
閒將能事調繁弱，原上清霜練

甲還

耀州路

蕭條川谷漸含霜，關塞今知客路長。  
獨戍寒花迎去馬，千門流水照秋裳。  
林中朔吹先楓葉，澤畔離聲起鴈行。  
見說榆河烽火息，應將五餌款降王。

宿青橋

青橋谷裏幾家村，日在高春盡閉門。  
地險於菟驚比舍，庭虛鸚鵡瞰初昏。  
危峰月上玄情豁，廢

寺燈懸妙相存夢境翛然俱已寂從教夜壑急  
灘奔

予歷覽幾三千里巖穴之竒有紫栢焉人  
云其上有寺正據勝會冥心向往不知所  
裁輒有是賦

飛泉樹繞娟娟秀絕壁雲生婉婉陰七十靈巖  
分八水三千淨業識雙林僧從月下歸笙曲客  
向峰頭禮磬音幾度蒼冥成獨寤無如茲地頓  
依心

出寶雞別秦蜀諸山

三千道路不驚埃兩月鬚眉為爾開猿鶴多情  
生別怨烟霞無分媿仙才巖垂飛萼牽車轉林  
布修條擁蓋回為謝山靈好相憶西風常寄白  
雲來

驪山同玉牕栢山二藩叅道舊

繡嶺蒼蒼石樹攢春深騎馬雨中看流泉百折  
玻璃暖垂柳千門霧露寒草色依然人別後華  
清猶在鳥啼殘相逢杯酒還相送愁見旌旗灞

新兩城先生集 十卷  
水干

西廬

荒廬暫託倍孤情何似支離一老僧日轉庭陰  
移藥裹宵分簷隙散書燈區緣如水嫌猶在國  
蜡同狂病未能比覺尋常無畔岸呼來牛馬總  
堪應

買業石橋

樗村自合沾微祿微祿何知解悞身中歲病來  
唯仗藥壯心衰去怕逢春門連積水遠生計坐  
對閒雲是故人欲卜石橋成勝業慵將金錯貸  
情親

幽居忽得中丞謝公書

十年行宦日思歸及至言歸願却違夢裏尚疑  
身是客愁來唯恨計成非書傳沙海人遙憶水  
合江城鴈不飛故里經時無過從寒霞落盡掩  
空扉

秋日眺李園高丘

不堪離索淚常揮一眺高丘倍濕衣浦溆遙遙

雙鳥沒關河歷歷幾人歸斷烟古渡斜通權殘  
日荒村對掩扉幾欲招冤慙作賦驚冤應逐亂  
雲飛

九日

不緣逸興逐飛霞欲寄離心對折麻城近三湖  
常作雨時當九日尚無花巡簷聽葉踈林夕卷  
箔焚香秋漢斜鄉國年來多菜色不知歌舞是  
誰家

言懷

中年慕道欲逢人乞得微言足養身心共孤雲  
無所住形如枯木不關春翟門常設羅無雀墨  
突初黔醜有塵猶學黃冠多伎倆夜被星斗禮  
高真

春望

鄉園今見柳條新病起隨人看水濱極目四愁  
分魯望多情三秀泣騷人河梁獵騎聯翩影澤  
國香臺寂寞春自歎中年迷大道却將白髮換  
遊春

除夕

香燈歷歷薦蘭卮  
淚盡兒孫是此時  
芳草經春還易合  
白雲一別更無期  
靈衣縹緲知風轉  
蕊珮逶迤似影移  
佇立祠宮看夜半  
那堪殘漏又如馳

雪荅客

攬衣清曉坐忘機  
芸閣盈盈見六飛  
細草纒經霜後歇  
青春又向雪中歸  
身緣多病常思隱  
淚為傷離每獨揮  
不有新詩破岑寂  
寒雲暮色掩

空扉

雪簡三友用韻

凍雲卷雪朝初霽  
小閣邀賓夜不遲  
寒擁千巖遙對酒  
清圍一燭共題詩  
已盟雲壑成新社  
况附松蘿是舊知  
莫遣年光入潘興  
蟬冠空歎鬚絲絲

迎春日作

崇闈初旭澹生揮  
青甸迎春萬里歸  
林擁餘寒梅較淺  
樓含淑氣雪全晞  
分曹角觝圍歌障  
小

隊驂驪簇舞衣共道今年春色倍長卿貧病亦  
芳菲

立春三日柬東石問病

嘿嘿閒情對索居感時重見物華舒乘陽北斗  
回元化隔歲東風吹敝廬歸鴈獨衝千里雪故  
人相憶幾行書知君暫病還應健試問維摩一  
起予

迎春夜三君子見過

春色閒門也自饒春盤小摘薦芳朝豈無車馬

紛過從唯有求羊慰寂寥酒殘攻愁紅暈入鍾  
聲破暝翠烟消應憐節候今宵換更指蒼龍驗  
斗杓

為萊峰子題李東昌所作圖

仙人家住海東州地接神居起峻樓日觀晴嵐  
搖洞壑扶桑初景護林立坐臨圖籍鸞情遠卧  
近星河蜃氣秋今日中原仗安石可能常為一  
峯留

李翁七十學奕于吾賦贈

鶴髮蕭蕭雪不分猶能投入少年群  
筠牕對壘飛秋電蕙幄焚香弄白雲  
只此足消三萬日何須更著五千文  
騎牛若遇函關吏莫說身為李老君

匡廬吏隱

九江仙吏鶴為車日日看山不憶家  
衆惜瑤華淹薄領獨將神賞結烟霞  
九江春漲供新句五老卿雲報晚衙  
不學江州舊司馬祇憑清怨托琵琶

賞花

久於林卧廢交期聞道君招每不辭  
對酒暫忘憂國念賞花正及在家時  
春殘漸覺聞鶡鴒雨過須防長棗蔬  
不為物華增感慨浮雲世事每如斯

與書商

志在名山力不任年華漸見白鬚侵  
閣殘鴻寶渾無用學得熊經怕役心  
日暇孤琴娛道伴夜分清嘯激空林  
餘情一付輕鷗外敝履時沿淥

水滸

霜節

井梧落盡百花零  
青女吹寒入夜城  
朔塞鴈來風力勁  
楚山鍾動月輪生  
驚心歲晏懷高枕  
回首天長夢舊京  
愁思中宵未能理  
清商一曲若為情

草橋即席作書扇寄以騰

舊國春深草似烟  
年年此際對離筵  
纔聞柳外歌三疊  
已識尊前路五千  
劍閣啼猿梅雨夜  
錦

江駐馬麥秋天  
從今莫問西飛鴈  
縱有風翰不到川

東明縣寄需兒

光風嫋嫋汎崇蘭  
花向開時客裏看  
樹繞芳堤侵蓋綠  
雲依曲水護駘寒  
相逢半是鄉人語  
此去全經蜀道難  
縣館依然思往迹  
為兒緩帶一加餐

孟縣對雪

河陽舊識花為縣  
此地今看雪作花  
素積李園

疑色似輕沾榆莢伴飛斜孤城漠漠迷征馬萬  
井蕭蕭閉暮鴉遙憶鄉山寒正爾幾人應命滯  
天涯

將入洛

浮名何事歲依依極目春空羨鳥飛家在清溪  
三月別人從分陝一書歸天涯耆舊多推轂客  
路寒暄數易衣馬上不堪重回首白雲何處辯  
庭闈

義昌竹亭

義昌亭子僅見此開軒面面篔簹幽青鸞乘月  
時自舞蒼雪滿臺晴不流曲肱夢入瀟湘近隱  
几寒生洞壑秋不是此君能愛客脩塗誰復暫  
淹留

高陵阻雨有懷長安故人

東風吹雨過汀洲一片鄉心萬壘愁殘關濛濛  
秦樹晚高原颯颯漢陵秋題詩盡日寒烟積繫  
馬空庭瀑水流昔去長安疑暫別那知此際倍  
離憂

東坡先生集 卷一  
吳比部約遊錦屏山暮不果

閨中佳氣儼龍盤石作屏風錦繡攢下界人烟  
江際晚上方臺殿月中寒支頤但覺雙峰暝秉  
燭還思獨上難別後應多清夢繞題詩留贈白  
雲看

贈答茅子

玉府茅君列上真偶然姓字落人羣暫將鳧鳥  
凌虛表時有瑤笙奏夜分客夢尚憐麋鹿性交  
情還共杜蘭薰功成他日辭珪組與爾同叅三

素雲

蟠龍洞

蟠龍山下蟠龍洞洞裏蟠龍去不回門對寶珠  
含夜景巖垂瀑布殷晴雷石旌卷霧下秋濕瑤  
草逢春幾葉刷日暮群峰看欲動還如神物駕  
潮來

壽趙叟

盛世偏宜靜者便瞳人似水髮垂肩林中採藥  
誰如健嶺上看雲每忘還繞谷烟霞唯種玉滿

塘鳧雁不論錢牀頭只有陰符註多事猶嫌似少年

昭烈祠避暑

漢主祠宮近法壇老僧叅罷共憑欄鳥飛不盡  
楚天濶山色常懸蜀道難映巘酒尊搖雜樹隔  
林仙樂瀉風湍憑君更借巫峰雨為洗三巴六  
月寒

白鹿溝望山家

數聲鷄犬自成村盛世誰甘此隱淪樹茂正同  
盤谷美花開不讓武陵春石蹲絕嶠疑皆獸泉  
咽空山似有人咫尺烟霞迷所往還愁漁父問  
夾津

留別松澗子

路岐誰不惜分携載酒江亭柳色淒獨鶴已知  
無去住浮雲何事又東西清宵劍氣龍文折細  
雨灘聲雀舫迷惆悵同來不同去巴川處處聽  
猿啼

仲冬同木涇周公春江董公柳齋張公會

升菴楊公於紫房洞天

紫壇肅肅隱丹房  
洞侶相將採素芳  
路入寒烟回弭蓋  
坐來風葉下空廊  
壺中駐景應須戀  
身外浮雲底事忙  
聊為羽人題姓字  
又留幻跡向江陽

再賦贈升菴

九蘭深處結雲房  
坐卧經年草自芳  
壚藥欲開香繞戶  
牀琴罷鼓月低廊  
玄心唯對雙松寂  
高興時因五嶽忙  
見說方瞳秋水碧  
還能騎鶴歷

寥陽

青羊宮訪草衣道者

春壇窈窕入千松  
碧水盈盈帶遠峰  
雲裏樓臺天樂渺  
林中歌舞晚烟重  
茫茫塵海知多事  
脉脉蓬瀛悵一封  
大藥未成心獨苦  
幾時同控二茅龍

送別舍弟復還塞下二首

榆關霜急靜胡氛  
望子來并意屢勤  
解帶共嘗官舍酒  
沾衣同日太行雲  
黃河曲裏冰為塞  
滑

石營邊雁作群辛苦防冬非不嘆書生勛業在  
提軍

其二

客舍逢君忽作辭相逢猶是未逢時煙雲過眼  
人俱老霄漢無媒事可知霜路鵲鴿憐獨影風  
林烏鵲定何枝山川西去寒應甚裘馬興居慎  
所持

送松巢子

手把靈芝五色英清秋惜別出燕城銀河波淨

仙帆影碧落霜高塞雁聲千里共嘗為客意一  
尊不盡故園情他時何處相思夢午夜篝燈正  
獨明

雷兒西來見省於其歸也詩以送之因寄  
同遊諸老情見乎辭

投老山人久息機荷衣不着着戎衣陳兵魚麗  
秋乘障驅馬業乾夜解圍有夢只隨南國雁得  
閒且採北山薇兒歸好囑同盟伴莫遣荒涼舊  
釣磯

壽趙總戎白樓

元戎罷鎮愛清修坐卧常依太白樓對奕尚施  
黄石畧論心却許赤松儔方塘十畝連城壁夏  
木千章萬戶侯底事年來貧太甚酒家昨日當  
征裘

靳兩城先生集卷之十

靳兩城先生集卷之十一

東魯靳學顏著

七言律詩

春日罷朝

燭龍委曜夜光微金掌凝暉湛露晞華表漸分  
蒼闕曙朱樓高遠御鴉飛從官珂馬歸仍緩輦  
路旌旗散欲稀莫道天顏難快覩九重應日覓  
宵衣

長安道

御水沉烟出漢宮官街十里鬱籠葱綠楊曉宿  
明光霧白日香飛太液風錦字曾拋青鳥外金  
莖遙指碧雲中不才愧乏相如賦旅食栖栖任  
轉蓬

郊祀 駕旋值雪簡同時供奉諸僚

春郊御氣靄 王畿玄貺陰陰徹九圍初霰行  
隨鶴遙舞繁英漸入翠華飛光搖玉署迷青鎖  
勢擁天香護紫微此日勳卿先獻賦郢中寧謂  
和人稀

宿省中登樓望月

深院月明人不見高樓此夜坐吹笙光搖貝闕  
金波冷影落銀河玉斗橫哀角四天沉塞曲霜  
鍾無處不秋聲關河千里輕烟外悵望嬋娟酒  
自傾

漫興

有客好奇從我遊西鷺懸圃東丹丘手持綠玉  
躡飛景夜飲沆瀣探冥陬海門波搖星宿冷月  
窟桂花蟾兔秋一晤未了即言別千山萬山若

為愁

九廟禮成恭述一首

天門拂曙闕宮開  
星旆凌晨玉冕來  
宗祏幾畝留日月  
莖英九奏遶蓬萊  
爐烟細逐松杉合  
珮韻旋從劍履迴  
流運千年周禮出  
何人清廟頌先裁

聞諸友過訪拙園

有客青春問敝廬  
旋開衡宇勅中厨  
雪侵曲徑迷芳草  
水滿方塘上小魚  
伏枕忽驚移歲月  
扶

筇今始到階除  
知君不是山陰侶  
更倒芳樽興尚餘

初春北墅憶予壯時欲卜居住山水今老且病奉身而退安危在念矣感而賦此

薛家口南烟樹平沙禽歷亂渚蘋青敝廬最近河西曠春棹宜過水上亭游衍已無畔岸意躡躡况是支離形太平風物且故里溟渤不須效管寧

阻雨未得遊涉坐懷都下

樓上春陰鬱未開巾車已命復遲回儘教賓席  
遊沙鳥數遣家兒報檻梅擁褐中春慚病體抽  
簪盛世笑非才為言青鎖同袍客往日雄圖已  
盡灰

于野堂作

十里桑麻負郭村清洸冉冉到閑門太平不上  
東封賦潦倒時開北海尊凝睇白雲心共遠焚  
香清書默常存自憐無事還生事又取筠竿試  
水痕

水鳥

雪消沙暖水生紋鷓鴣鳧鳥鷗凡幾羣到即凭欄  
看點綴坐當啜茗任紛紜橫飛芳渡避青舫倒  
踏春空亂白雲我已忘機無歆羨祇應莫教海  
夫聞

樓成志喜四首

雙樓對起軼浮埃洸泗分明繞檻回位配西湖  
名且著坐臨東嶽賦須裁客歸春半猶高枕交  
絕誰曾為舉杯不用避塵塵已遠掃門還待仲

宣來

其二

日侍麟烟傍御爐上憐多病許潛夫為樓不惜  
中人產晒藥兼收一覽圖千里河流分鉅野層  
城雨色上春蕪夜來應伴星辰宿魂夢分明到  
帝都

其三

從教車馬過閑門草色經時斷履痕鴻烈書成  
招桂隱青春花發認桃源生還閭里非天幸坐  
享烟霞是主恩不用逃名名已毀祇將身外  
得身存

其四

鑿石鎔金雙牖齊經旬不下遂高栖藏書曝藥  
還清事翠版銀鈎尚舊題竇啟烟霞資吐納丸  
分日月走東西已將文史多年廢不用仙人照  
夜藜

開遺詔

十年不到給孤園上日相邀義所敦四海瓊符

歸大寶一行遺詔哭中原雲迷雒堞鴉啼樹雪  
映花宮僧杜門淚漬麻衣餘病骨兩朝虛負  
聖明恩

寄弟

正憐鄉夢每南歸忽覩冥鴻又北飛魏闕新書  
應具草淮陽特召定先幾空齋暇日玄情澹薄  
宦逢辰樂事稀何似共歸洗水上白雲高卧女  
蘿衣

無題

少小何曾出絳紗丰神元不愧西家袖中錦字  
憑青鳥天上銀河斷玉霞春盡正愁聞杜宇閑  
來唯自弄韶華何時烏鵲羣飛夜為問仙人上  
斗槎

其二

仙姻一阻隔千霞無那相思入夢賒湘水盡流  
新曲度武陵惟見舊桃花丹臺有路春將老瑤  
草無緣日易斜願化蘭岩雙偶鶴飛來飛去傍  
天涯

送楊少府之任鳳翔二首

百二山河憶壯遊昔年曾此擅風流  
塞帷正在青霄上瞰斗遙從西極頭  
鳴鷺岫春雲五色瑞鷄壇古月千秋  
河湟正苦狼煙滿早晚提携八寶鉤

其三

三輔由來天險開深秋懷古信悠哉  
劍搖清渭千尋碧旆引黃河九折迴  
天柱雙標流日月秦宮一半隱蒿萊  
懸知暇日題詩處獨上丹梯拂

錦苔

秋興八首

秦觀峯頭多古苔秦皇遺蹟漢皇哀  
金泥玉檢風雷護石室丹丘天地開  
紅日三更青黛擁黃河萬里絳絲來  
高秋安得仙人杖一上真能小九垓

其二

赤帝何年此駐旌玄夷入夢佩蒼精  
峯縣日月天疑近岫隱仙靈晝不晴  
回雁幾時纔朔漠極

星中夜寤分明青藜獨往真吾願湘水無情一  
葉輕

其三

華嶽隆從擁處孤冥冥蒼翠奠坤樞日移高掌  
開秦望天造靈河入漢圖玉井霜玄千葉老冰  
簾晝灑一塵無年來欲擬丹梯上咲指仙人茹  
紫蒲

其四

廣輪鰲極斷玄冥恒嶽龍蟠壯地靈春滿洞天  
神草茁夜流沆瀣羽仙停陰崖千歲仍吹雪飛  
石何年似落星料得峯頭凝望處有無弱海一  
青萍

其五

二室青環啟洞天三華秀吐結星躔鼎龍一返  
山呼帝笙鶴空歸月夜仙路引麝香通紺靄玉  
生蛟穴亦藍田無因得借王喬鳥醉踏明霞絕  
頂眠

其六

憶在霜堂興不踈青絲白馬照秋墟西風湖上  
人吹笛落日樓前雁送書易水冥冥飛海霧大  
行隱隱望仙閣可憐回首傷心地魂夢中宵傍  
紫虛

其七

鐵壁銀山拱至尊華林禁籞繞崑崙芙蓉萬仞  
青天落松桂千年白日昏建鳳粧樓通御氣疏  
龍陰殿妥芳魂秋來湖上風波急漂葉時時到  
海門

其八

海音樓閣接諸天閣外芳湖隔障烟幡引香風  
吹貝葉鉢飛慈雨濕青蓮鸞鑑照空澄色相龍  
池閱古蕩星躔回思繫馬從容日曾向旃檀一  
結緣

無營

虛簷白日塵不驚丈人歸來何所營造化滿前  
吟欲盡石竹照眼秋能生遯世豈其鹿門子乘  
桴何必東滄瀛夜風瑟瑟吹獨睡梅花夢斷天

鷄鳴

登樓

謫仙城頭蒼雲飛坐雲招仙夜不歸江樹參差  
亂帆出石梁斷絕行迹稀落日中天起哀竹悲  
風萬里吹人衣相思欲訪徂徠勝岐路今知誰  
是非

喜曹子枉訪留酌

七月十五風雷惡載酒訪予期不遲馬場湖邊  
雲到地謫仙城北雨如絲少時無雲月亦上衆  
星在天夜何其晴陰尚爾變朝暮世事悠悠那  
可知

限韻二首

石臺月上天風鳴雲葉忽掩瑤光晶欲晴不晴  
豈人意今夕何夕勞我情山雨滿簾秋酌動篝  
燈照影雙眸清酒酣忽憶十年事文人亦有逃  
禪名

其二

雨過開尊晚不妨石林空翠滴衣裳江涵龍影

雲猶黑桂吐天花露亦香縹緲正如聞鳳吹虛  
無何似對瀟湘廣陵一曲千年絕羨爾今宵復  
此堂

聞曹子遊兩城諸山

飛流曲磴倚層霄白氈青藜動野颿南下長濤  
紅日湧北來一雁素書遙吹笙石上人如玉濯  
髮天津鵲作橋身外浮雲看不了無邊霜葉晚  
蕭蕭

九塚

虹梁裊裊帶荒陂青塚纍纍似九疑石馬有魂  
嘶夜雨金鳧無羽泛洪池當年應下牛山淚落  
日空留掛劍枝試一投詞向冥漠白楊無數起  
秋颿

觀獵

白草川原嘶玉駉少年馳獵古陵東蒼鷗寂羨  
雙飛墮狡兔須知三窟窮殺氣冷迷葱嶺雪酣  
歌悲起玉關風夜深火樹明千里更道相如賦  
未工

歲暮曹子夜過不飲

歲暮逢君嘆聚萍燈花何太向人青  
金徽秦月烏啼徹玉杵春霜兔藥靈  
越石能為中夜舞步兵未識幾時醒  
含愁不語空歸去獨傍寒潭數落星

送韓侯扶柩西還

何處征鴻急暮音中宵哀角為誰吟  
雲搖縞幌晴團雪月引香幢曲度林  
世路風塵雙鬢短天涯涕淚一燈深  
相逢他日應相訊故國甘棠幾

樹陰

送客之濟南佐郡

嚴程三百一征鞍叱馭何妨五嶺難  
灰律欲吹春谷動劍光遙射海門寒  
齊城琴鶴初開署楚國冠裳舊紉蘭  
聖代即今重才俊絳霄萬里看秋翰

咏雪次韻柬曹子

湖草萋萋青始歸蕪亭一夜雪花飛  
即看春絮封條弱已許瑤華傍竹霏  
郢客自能酬絕調袁

安何以獨關扉霸陵野老真憐汝應采寒芳振  
薜衣

三月三日次鄭子韻

三月三日風物麗置酒高宴此江洲紅白花開  
春自好林谷鳥鳴情更幽抱病予亦喜多事浮  
觴君且醉臨流馬坡橋南暮烟起斜月微明李  
白樓

其二

沙青水明鷗鴻遊江風晝吹蘭若洲客有王猷

興不淺人非元亮境同幽落花侵衣紅欲上哀  
歌向天雲不流得意偶忘歸路晚昏鴉萬點集  
城樓

次子魯韻

谷口鶯啼春欲闌白蘋江上好誰看千桃照水  
丹霞濕五柳當門翠蓋團多病久為鄉國帶逢  
人須放酒杯寬山中弘景真同調懶惰歸來不  
拜官

夜雨枕上

虛堂鳴雨欲三更不寐懸懸百感生  
行在有書何處達天門無鴈若為情  
楚城王氣山川動漢蹕風雲道路平  
見說明時好封禪孤臣何敢望金莖

聞 駕渡河期東萬水部

鑾輿三月渡黃河劍珮千官擁玉珂  
漢水旌旗連日月洞庭風雨肅干戈  
石麟鬱鬱威靈古宮草萋萋涕淚多  
純孝吾皇自天保登臨不用大風歌

春日南齋

南齋春暮漫携壺灌水織蘿况不孤  
梵塔岩堯聞獨鶴仙樓杳靄見雙鳧  
風前楊柳三回綠天上交浮一字無  
明歲今朝更何處嚶嚶黃鳥莫深呼

北墅漫興二首

柴門長夏足柳陰野服葛巾時一臨  
生事眼前忻各正浮名身外更何心  
老鶻翹翹靜衣渚犢牛牲牲鳴出林  
西家漁父會此意幽興杳然江

海深

其二

萬山如赭火雲高午睡不着空勞勞那取冰山  
回赤日苦搖車扇起蒸鷗鳴蠅無數意俱寂岸  
憤何情首自搔南陌秋禾焦折半鞭龍誰使雨  
如膏

庭槐

庭槐六月雙吐華嘉意能令上客誇已許靈根  
高百尺還須仙實收盈車玻瓈踈葉虛錯落虬  
龍老幹交盤拏此物脩美天亦惜鬼神呵護千  
年賒

三更聽雨懷子魯索居

急雨翻江洒石缸中宵起坐攬衣裳空庭颺颺  
窺人過負郭風濤到枕狂蕉鹿夢回情縱好水  
龍吟罷意難忘亦知不是他鄉客更比關山萬  
里長

贈顏松巢

採藥名山每絕糧偶逢仙者坐相忘鍊金不用

新兩地先生集 十五卷 十五  
人間火濟世寧須肘後方  
子夜驂鸞朝絳節  
高秋伏虎解青囊  
世人莫道丹砂易  
一粒分明躋壽鄉

挽張翁

仙陵一曲魯城西  
共說埋麟合有題  
喬木自能沾雨露  
芳魂猶見耿虹霓  
天邊青桂先秋實  
海上鷄鳴傍日棲  
千里暮雲春草合  
月明休怨杜鵑啼

九日齋中二首

九月關城踈柳條  
高臺况是菊花朝  
登臨亦欲從公等  
懷抱何由得自聊  
香閣日沉庭影盡  
石闌霜重井痕消  
西風未肯輕相放  
猶送絃歌到寂寥

其二

有何意味菊花新  
竹葉無勞更惱人  
原上鵲鴿聲自厲  
天邊鴻雁影誰真  
丁丁霜練敲砧切  
簌簌風簷下葉頻  
萬里悲臺堪騁望  
秋登不醉益傷神

南石饋茶報以雙酒

往日伯倫唯酒德近來陸羽只茶經  
開函勿訝金牙嫩入鼎旋烹綠雪馨  
露摘春山憐粵客泉分仙井憶中冷  
從今消渴應全解欲報瓊英愧醪醴

早春樓望

郭外清尊對不堪衰年何事病相侵  
登樓萬象忽改色下榻何人一論心  
曲水逶迤涵比屋平林踈豁出遙岑  
青春已辦綸竿就東去滄波深復深

寄客

終年為客惜離羣回首蒼茫不見君  
夢裡歸程多鳥道春來流水半冰紋  
吹簫憶上秦臺月作賦難招巫渚雲  
寥落天邊失侶雁幾回腸斷不堪聞

雨中丁香

濛濛當晝暮春雨嫋嫋小園丁香枝  
踈葉披離影何處紫茸半溫香亦奇  
葢珠滴滴如幽泣紅

露盈盈搖碧漪不有酒尊送春去韶華唯有泥  
沙知

予告

明時非敢厭華簪為乞雲林愜素心坐卧常依  
千挺竹結交新得九臯禽園當負廓溪聲轉隣  
接毘丘樹色侵預辦租庸還習靜 主恩何處  
不高深

靳兩城先生集卷之十一

靳兩城先生集卷之十一

東魯靳學顏著

五言絕句

神塘泊舟

夜氣覺微和春江滿月色石室清且閒幽人弄  
瑤瑟

李道士館

方外有逢迎客來同醉醒夜分人語散炙火讀  
黃庭

春日亭榭

獨坐孤亭裏悠然見翠微故人斗酒至開徑  
花飛

贈方士之南嶽

雲中三株樹天上五龍居少別千春過薄遊萬  
里餘

獨吟

燕山木落葉爽氣不成眠開戶行吟久白雲遙  
在天

扇面畫素牡丹

誰將金谷秀移種月中央得借冰輪色還先桂  
樹芳

大隱贈客

曳裾金馬裏牧豕上林中却笑巢由輩逃名也  
未工

有所思

金河昔為別楊柳正依依不對燕臺月空山一  
葉飛

新兩城先生集 七卷  
山行即事四首

楚客今何往空吟九辯詞何當弄明月石上桂  
華卮

其二

山轉疑無逕雲凝望若空蕙香墮煙浦梧葉捲  
秋風

其三

水葉平于剪風條弱欲縑日沉岩石下泉響木  
蘭稍

其四

陽葩猶曜景秋幹已迎霜何物蟬鳴急枯株抱  
葉黃

漢宮四時歌

春

迴文日不就停梭聽流鶯不及垂楊柳絲絲織  
恨成

夏

金塘藕作花還落金塘流隨波到外間芳香知

似不

秋

夜夜望雙星  
雙星會幾許  
絡緯玉階啼  
芙蓉泣  
寒渚

冬

白紵白於雪  
新響翻入雲  
寧辭為君盡  
宵長不  
共聞

宮怨二首

秋水剪縠裳  
繡帶盤同心  
妙舞君不見  
深宮絡

緯吟

其二

信道深宮裏  
春來不見春  
那知逢社日  
亦有燕  
依人

巴婦詞二首

巴婦坐高樓  
青帷不上鈎  
千金翻新譜  
學得撥  
箜篌

其二

君從江上去  
妾向磯頭歸  
妾心非江水  
那隨雙

樂飛

古別離

清湘搖白日浩蕩起浮瀾為問靈妃瑟千秋誰  
敢彈

楊花

楊花浮素渠流蕩知何許青春去不辭黃鸝徒  
自語

華山

白雲滿巖谷決瀉瑤池水誰種青蓮花千年不

結子

華州蓮池

綠水長菰蒲白鳥日日至不為娛遊人濺波自  
相媚

移山潭

恍如青玉鏡晶瑩臨妝臺日日明星女盈盈照  
幾回

紀夢

歸念無時弭中宵一暫歸情知歸是夢却恐覺

來非

合江作二首

空齋對南山卷簾坐清暇春鳩時飛來啄苔松  
徑下

其二

吟誦兩竿竹身世幾峰雲聞見俱不染林花徒  
自紛

舟行雜詠五首

雙槳蕩蘭舟桃花滿煙渚無數水禽飛鴛鴦自

有侶

其二

青山非有約舟泊晚相依脉脉兩無語寒泉落  
翠微

其三

蓄意攬征帶春江枉問津徒乘東去櫂不是北  
歸人

其四

厭作山中客愁看江上花江山空自麗但使別

情賒

其五

恠底春流急應添別淚深無情江上鳥故作一  
雙吟

青山館中夜

高館暝初深玄心夜愈寂坐聞流水喧更覺春

山閒

睡起

簷禽亂清晝仙夢午初回起看叢臺上黃葵幾

箇開

四月望日

朝朝秦嶺望處處有雲還客路三千里歸心月  
又圓

宿青橋

棲神玄谷裏高卧翠霞端流水夢中聽青山枕  
上看

馬道望彌陀寺

翠木翳煙扉鍾聲下界微斜陽何所見鳥外一

僧歸

自西疇入湖二首

靈境滄波渺蘭橈乍可通夕光不相待極浦已濛濛

其二

白雲溢泱漭乘流信迴谿凌波聽不極悽斷使情迷

禪語

金翅漫天飛黃龍作磨擬如何一口吸得盡西

江水

攬鏡

巾櫛乍可拈鬚眉亦已悴雖見此中人却非向來意

獨語

巷柝夜愈急曲墀霜已臨盈觴幸不惡誰復此論心

夜別諸友二首

參葢掛西枝婆娑幾人影不為軫離居何由度

宵冷

其二

相過苦不數那能遽分手芳草曲江春明年相  
憶否

亭上

千里紅塵合驕陽百卉災青春嫌寂寞故遣一  
花開

溪上五首

白鷗散綠波陽春自相媚炯如秋旻星歷亂點

空翠

其二

歸溪乘雪水倒浸春空流時有凌波客停橈問  
斗牛

其三

澤氣暖氤氳盈盈寫紺雲日浮金躍彩風蹙練  
生紋

其四

垂柳覆沄沄鳧鷖日幾羣何當賣書盡買斷此

新西坡先生集  
十一卷  
九  
溪雲

其五

窮水遂忘歸  
臺門掩夕暉  
無情沙際鳥  
脉脉向人飛

元夕李將軍第二首

瑤燈粲空宿  
花火散樓臺  
多少三春樹  
都教一夜開

其二

星候忽驚移  
傷來祇自知  
每逢同樂地  
俱是獨

傷時

是日觀梅四首

清緣常坐阻  
梅放不時招  
及至臨梅日  
寒芳已半飄

其二

可惜一叢玉  
輕教爛熳吹  
東風故作雪  
寒勒幾枝遲

其三

愁侶陰巖草  
春來未覺春  
閒身幸無病  
還作看

詩

妙

梅人

其四

愁緒不如梅春來  
詎斲開亦知愁不釋  
聊為釋愁來

戲代主客二首

芳意滿芳臺叢叢為客開  
愛梅兼愛客問客可重來

其二

若待重來日叢叢應盡飛  
何如坐梅下直取送

梅歸

宿林中

微月下高木踈星亂螢火  
忽聞風雨聲茅齋落山果

題畫

道士愛逃名還山雙鬢青  
日長抱膝坐巖桂落冥冥

石泉

細罅寒能吐清聲抑復揚  
不須拊金石一一中

宮商

秋懷

莫剪梧桐枝  
梧桐識別離  
西風一夜下  
正似去年時

贈林醫二首

家住大川上  
洗藥大川側  
泉流丹砂紅  
石作空青色

其二

絳葉凌虛吐  
銀丸駐景斜  
握中玉海草  
不向世

人誇

惜落花

向來三日雨  
滿徑堆紅  
誰言歲事新  
芳華已半輟

鳩二首

春鳩坐高樹  
喚陰不喚晴  
芳菲正滿眼  
何苦太多聲

其三

春鳩在高坐  
遺爾一握菽  
若只報陰時  
爾身何

華西先生集  
卷一  
處宿

霞

晴霞綵作縷繡出春空  
圖分明堪瑞國且只娛  
潜夫

拙園

城閣近于咫經年只閉關  
春深林鳥亂却怪主人還

雨餘四首

高卧此林中支離一病叟  
空庭時獨行但覺莓

苔厚

其二

石徑通透迤孤亭裊烟霧  
積雨無人來花枝低  
入戶

其三

生翠撲空室輕陰掩竹房  
正嫌花氣逼不用更  
焚香

其四

山禽吸書硯不憚往來頻  
既識主人意何須更

畏人

遣意

伯倫終日醉彭澤官已休始悟浮生妄相看已  
白頭

紀夢

爾時諸慮澹漸覺返其真忽作紅塵想遽遽夢  
裏身

桃塢

桃塢桃無數春來熳作花若添瀑布在便是赤

城霞

竹林

屬爾成林日是予解綬年會心一箇得何必七  
人賢

新兩城先生集卷之十二

新兩城先生集卷之十三

東魯新學顏著

七言絕句六言附

東京歌二首

美人捧瑟上高堂  
四座行酒殊未央  
何愁若華翳白日  
賸有明珠照夜光

其二

濯龍門前車馬流  
無人不道入青樓  
盧家少婦鳴箏坐  
逢着春光不解愁

函谷見桃花

別時湖水溢芳堤桃李陰陰覆錦泥客路不知  
春尚在看花猶憶洛陽西

中江縣次儼山韻

萬里山川被褐行夜深騎馬入孤城可憐一片  
中江月故國他鄉兩處明

鹽亭遣悶

四十餘年未老身五千里地一藩臣亦知短袖  
非能舞敢笑當場大袖人

既抵連山舖盡出諸險漸達成都

似向重圍脫此身却愁歸路又傷神不知何日  
隨征鴈野闊天高白馬津

夜行書所見

半夜江風吹酒旗星辰倒浸誰家池池上踏歌  
盡遊女聽來半是竹枝詞

竹枝詞二首

白水江頭白日遲落花處處惹遊絲女郎相媚  
還相訊郎若來家知不知

其二

郎君驄馬江上遊採桑女兒日暮愁女兒見桑  
不見馬何用黃金裝絡頭

贈隱田任氏二首

八桂山中紫氣濃山人種玉日鞭龍年來漸覺  
身如葉飛上蓮花數越峰

其二

青田瑤草與烟深抱犢時為白石吟聞道秋風  
琅海夕任公尚有釣鰲心

聽陳東阜彈琴

逐客經年滯楚鄉蕭條兩鬢已秋霜逢人唯奏  
思歸引易水燕山總斷腸

柬同行客

江頭少媚未勝寒日出新妝汲漢湍照影自矜  
嬌艷色翠翹落水不曾看

夢作宮詞

馳道長楊拂曉天金輿玉輦度香烟日長閨閣  
渾無事笑取懸蛛卜喜緣

燕京暮春歌二首

三月楊花滿御溝可憐春色亦東流行人不用  
多惆悵鷓鴣年年喚白頭

其二

長安古道直如絃水上垂楊不記年遊文玉鈿  
金絡索王孫驄馬鍊連錢

古寺

古寺春深日易斜老僧猶記說恒沙年年此際  
多風雨獨樹垂楊掃落花

效王建

同心方勝繡雙鴛荷葉浮萍箇箇團記取郎君  
到家日碧莢花盡海榴丹

閨詞

自製流蘇宛轉長一回一結是肝腸平生恨識  
劉郎晚不繡金絲雙鳳凰

勞關吏

白桑關前關吏迎照人鬚鬢雪霜明白云家本  
邯鄲子微祿今為楚嶠行

陽春臺

陽春臺上雪霏霏  
漢水無情日夜歸  
楚客不知何處去  
歌聲猶逐綵雲飛

渭城曲

春風送客渭城西  
折柳亭前落日低  
驄馬漸隨塵影沒  
黃鸝飛上戍樓啼

西內

西內沉沉接太微  
松林鳥鵲有恩暉  
微禽亦解朝宗意  
日繞金鑾殿上飛

漢武

漢武中宵禮秘章  
霓旌玉女侍金牀  
殿前忽下雙青鳥  
阿母雲中駐七香

秦宮詩

碧瓦朱甍接漢回  
春山無處不樓臺  
君王望幸空成夢  
三十六宮風雨摧

山行值春盡

旅思經年未有涯  
諠譁酬芳序又離家  
情知不是山中客  
亦向山中了歲華

自漢言歸

川原歷歷夏雲飛  
滿目秦山故國非  
人向褒斜仍北轉  
心隨漢水却東歸

初醒

夢破青山曙鳥紛  
游仙真妄尚難分  
却忘門外高灘響  
誤作林間秋雨聲

望青龍寺

嵐光縹緲暗松門  
烟道微茫斷履痕  
古寺經年無客到  
石田初穫幾僧存

正月杏花

餘寒猶未試春衣  
幽谷先春暖氣歸  
北客只愁風雪起  
不知原是杏花飛

永寧樓

絕域經冬花向開  
愁來一上望鄉臺  
孤臣日日蠻烟裏  
目斷中原無雁來

寄暘谷江丈

鄉園耆舊各風塵  
水上桃花幾樹春  
秋露滿尊君自醉  
也應留酌待歸人

見海棠

忽然春盡向天涯  
愁絕那知覽物華  
却向隣墻閒借問  
海棠花發是誰家

寄馮子二首

渭水華原擬暫分  
那知回首萬重雲  
空山此夕相思甚  
細雨踈燈夢見君

其二

見說征鴻向魯歸  
啣書東寄却西違  
隴山尚有能言鳥  
何不常將一箇飛

將入平涼

水繞山城百草緋  
平涼十戶九朱扉  
奚官飛騎催燈火  
共道韓王夜獵歸

送曆青羊道士

翠宇沉沉日月遲  
人間甲子任推移  
相逢虛贈軒轅曆  
曾及山中一着棋

聞鴈

焚香恰欲了殘經  
離鴈嗶嗶不可聽  
搔首巡簷看不見  
銀河一道瀉中庭

示了虛

一衣一鉢儘成餘，纔說摩尼多箇珠。  
若見本來無物處，菩提明鏡作何如。

歸自寺中二首

不是牽纏方內身，祇緣意識不離塵。  
何須身到莊嚴境，始見人天淨樂因。

其二

金剛佛性怕遭魔，石火風燈總易過。  
一夕也能成白首，中心煩惱不須多。

張鍊師見訪

方庭寂寂斜暉滿，身與寒花影共癯。  
舊日道書全不讀，又逢僊侶問常無。

贈張君舊隱

此身四海為家久，舊業一區臨水寒。  
聊卧白雲閒杖履，是誰車馬訪袁安。

十六夜望四首

海風吹月上扶津，九域爭看新桂輪。  
亦向江城照芳夜，幾家人醉綺羅春。

其二  
熒熒寶炬媚華川  
渺渺瑤笙隔鳳煙  
坐歇踈鍾  
思往事秦關歸客又經年

其三

帝遣神龍戴燭行  
玉樓十二五瓊城  
年年桂樹  
先春發一片清光萬里情

其四

華輪寶色煥春旻  
絃索嘈嘈滿四隣  
誰道年光  
不相識也分一半到幽人

戲簡懷春友人二首

瀾亭東去暗塵浮  
君向青樓訪莫愁  
歌舞留人  
歸未得不知月落海西洲

其二

金城不鎖密期長  
水上偏多遊冶郎  
醉着東風  
渾不醒幾回竊記野鴛鴦

觀音廢寺二首

長楊隔水候禽啼  
鍾磬寥寥出霧遲  
乞食春城  
僧不返焚香今是比丘尼

其二

紅樓小殿閉芳年  
兼日纔看一舉烟  
細柳千條春自綠  
更無香客過投錢

東郭

飄風終日暗吹塵  
閭巷斜陽不見人  
芳草間門難作主  
數枝楊柳自搖春

池上杏花

拂窓裊裊照春泓  
飛雲吹香太有情  
棋罷不知春色去  
幾枝踈影落楸枰

雪三首

遊人昨自隴頭回  
讒向溫庭探早梅  
却訝東風吹北陸  
千林一夜盡花開

其二

激雪迴風繞玉臺  
美人白紵曲初裁  
寧知楚旅乾溪上  
凍捲旌旗掣未開

其三

昔年客路雪迷沙  
渭水華原苦億家  
今日歸人仍對雪  
離心何啻倍天涯

九日五首

繞郭清溪漾曉風重陽載酒與人同  
千家樹色寒烟裏一派砧聲落葉中

其二

暮倚危欄散獨愁寒城渺渺思悠悠  
風前欲問東南事落木無言水自流

其三

歷盡寒蕪上翠微雲山故國正堪依  
平生不解傷離析亦向秋空嘆雁飛

其四

花宮窈窕度蕭晨載酒尋僧遇所親  
欲向尊前辭酌酹座中今是別離人

其五

勝侶深秋事討論滿衫風露出祇園  
香鍾不動華幡轉月色空庭僧閉門

贈了虛

石榻青燈坐合圍空林落葉滿禪衣  
孤心已共黃華淨唯有朋情未息機

避暑

避暑高臺萬竅號長風吹裂織霜袍貪看江上  
青山雨落盡溪頭白玉桃

謫僊樓

僊人樓閣與天通九萬金光落眼中醉把雲芝  
衫袖冷亂鴉啼盡夕陽紅

示諗和尚

言歸還未是歸期且可乘閒一寫詩二十年來  
渾是夢依然石上坐圍棋

其二

天風吹下散花臺便脫袈裟掛古梅吹罷玉笙  
旋忘却中庭夜合幾回開

送張通判

綠楊如蓋水悠悠腸斷歸舟天際頭兩岸啼猿  
山竹裂一帆風雨下揚州

居蠻岩時作

路入儒溪是異邦虎啼猿嘯僕夫吮道人自愛  
夜如水高卧山僧碧玉窓

散步山中

幾灣流水隔松關  
逢着僊人坐石間  
家住不知山近遠  
碧雲片片鶴飛還

和東坡

擾擾塵蹤半世間  
逢山那得便登山  
從今乞得閒身在  
在何日浮生不是閒

園中即事二首

石火風燈已易休  
况逢病境若浮漚  
如何破產還多事  
苦為松筠起峻樓

其二

平日篇章總渺茫  
病來恰不廢篇章  
鏤金刻玉非能事  
不是花忙便竹忙

林中斷曲竹為杖二首

平居未羨身能健  
病裏纔知健是僊  
安得與君常信步  
不須日掛百文錢

其二

要将病骨強行春  
動倚雙童不離身  
自揀中林斷蒼玉  
杖鄉况是及年人

梅四首

黃梅香花香滿庭何言此物太孤情亦有木瓜  
紅著色青春無事不崢嶸

其二

檻中綠萼只一樹白玉作瓣青瑤臺此物江南  
亦奇絕北風况傲雪霜開

其三

飛李千叢與萬叢何如綠萼冠東風夜來雪花  
似有約點綴園林樹樹同

其四

梅花欲盡向南枝正恐風花一片隨為謝東隣  
好音客莫將羌笛月中吹

函元洞二首

手鑿函元小洞幽寒泉護門深不流花開花落  
歲如許洞裏閒雲自去留

其二

洞口烟霞掃暫開何人堪許抱琴來應門只有  
鶴一隻夜向秋江飛不回

齋居

白雲經月掩高齋一徑清陰鎖綠苔却恠秋風  
誰放入石牀吹展素書開

即事七首

田家酒熟百無憂泛灩黃華滿甕秋恰值山人  
新辟穀一瓢長掛柳枝頭

其二

石磴參差蔓薜蘿空亭獨坐夕陽過不知溪上  
秋多少但覺尊前落葉多

其三

家有南山種豆田狂來拋盡不收錢行藏已侶  
龐居士却恨栽花是俗緣

其四

黃鳥聲中閉草廬石牀閑放一冊書日長睡起  
渾無事獨樹溪邊看釣魚

其五

片片輕鷗綠水涯隔溪楊柳是誰家主人有酒  
不招客開盡滿林紅杏花

其六

家有中山釀百壺誰能忍作獨醒夫不知杜口  
緣何事冷落高陽舊酒徒

其七

五柳當門水拍天山人取醉日高眠幾時還買  
扁舟得題作陶家載酒船

梅開阻雪不得往看遣悶

好將詩興擬揚州却恨離心似隴頭帶跡寒城  
風雪裏忍教開落伴春愁

初春試筆二首

優假南歸荷主慈敢將高卧負恩私無端  
二豎侵人甚不為東風一退師

其二

報國何須易隕身太平也許一間人願從今日  
加餐飯日負微暄效美芹

問舟

青青十里問垂陽滿載春光受野航隨地尋春  
春在是不須窮盡水雲鄉

拄杖再賦

遠公飛錫開蘭若譚生拄杖遊蓬萊從來方外  
多靈異莫擬齊諧是浪猜

春分種藕更覓梨栽

須栽華頂如舡藕更覓潘家大谷梨此物甚需  
資渴吻免教苑李下成蹊

詩謝雷處士寫扁二首

魯公書法遍任城萬氏當年兩弟兄僅有雷君  
繼丰骨那堪鬚鬢雪霜明

其二

緼袍蒯履有清芬運筆真如郢匠斤時眼但知  
貪媿媚誰從隸法辯顏劬

帝京春遊曲二首

東風滿眼上林花可惜芳時日易斜十二朱樓  
簾不捲都教燕子落誰家

其二

御堤楊柳綠烟齊一箇鶯啼百箇啼了不知  
緣甚事好音又過畫橋西

初春郊園

六言詩附

仲蔚蓬蒿堂上陶公五柳門前雪侵環堵宴坐  
日落臺隍未旋學圃年年逢潦羨魚日日臨淵  
丈人四十過矣多事何如自然

金臺山夜行

落日金臺山路黃昏資福叢林隱隱鍾聲密霧  
依依殿影脩岑丹磴捫蘿百折虹梁駕壑千尋  
遊子不遑假寐老僧禪定方深

聞雁

靄靄烟墟騁望陰陰城闕含暉一聲何處回雁  
千里年光暗歸

其二

但見南中草綠寧知北地雪紛落星渚上顧影  
震澤湖邊失羣

蕪湖先生集卷之十三

